

Na pèningūs yr laimè

Gyvena žmuogus sau unt svieta
Senuo sava bakūžie.
Natrūka ligo anam nieka,
Tik vies banamis naktimis
Kamènè truobuos ūžè.

Gyvena, dërba, kap bêtèlè,
Cènta pri cènta taupè.
Į sava atskèra skrynelè
Lita pu lita kaupè.

Tep dèinas biega, meta keities,
Saulè rytas tekiejè.
Bet...vèina dèina – vu nalaimè!
I vèinëša žmuogaus truobelè
Senatvè irariejè...

Senatvè vèina jug navakštio –
Légūm atsèved būri.
È tuos, naklaususès leidèma,
Palèngvu isèkūrè...

Žmuogielis spardies, kèik galiejè,
Daug pèningūm žadiejè,
Bet... anuoms žmuogaus pèningieliu
Iš vèsa nareikiejè...

Tuos lègas patala pakluojè,
Žmuogieli pasègoldè...
Èr uns palèka tep golietè,
Kol Dievs pašauks į Dongu...

Nier artèma žmuogaus pri šuona,
Nier vondèns kas padoutu,
Ka, atsèsiedès šalèp tavès,
Iš dūšès parokoutu...

Gol luovuo vèinëšus žmuogielis...
...Atslinka šalèp Baimè...
È žmuogus dabar jau soprata –
Na pèningūs yr laimè...